



Kristian Jeremiassen
Inatsisartut Allattoqarfiat
inatsisartut@ina.alla.gl

Nivaap itisilerneqarnissaa pillugu § 37 naapertorlugu apeqquteqaammut 2021-153-imut akissut

12-11-2021
Sags nr.: 2021 - 19626
ID. nr. 69992928

Asasara Kristian Jeremiassen

Inatsisartut suleriaasianni § 37 naapertorlugu Nivaap itisilerneqarnissaa pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Nivaap itisilerneqarnissaa pillugu pilersaarusionerq qanoq akeqassava?

Akissut: Nivaap itisilerneqarnissaa pillugu pilersaarusionerq aningaasartuutissaviit Naalakkersuisut ilisimangilaat. Taamaakkaluartoq ikerasaliaq pillugu nalunaarussiaq UPA2019-imi Inatsisartunut agguanneqartoq innersuussutigalugu Naalakkersuisut paasissutissiissutigisinnaavaat, Nivaap itisilerneqarnissaa pillugu pilersaarusionerq misissueqqissaarisooqqaartariaqarmat. Siuliani assingusumik misilittakkat tunuliaqutaralugit Naalakkersuisut ilimagisinnaavaat, misissueqqissaarneq 100.000 – 200.000 koruunit missaannik naleqassasoq.

Tamatuma saniatigut paasissutissiissutigineqarsinnaavoq, Namminersorlutik Oqartussat kommunillu akornanni suliassat isumagisassallu agguataarneqarnissaat qulaajarneqarnikuunngimmat. Aningaasanut inatsimmi atuuttumi tamatumunnga aningaasanik immikkoortitsisoqarnikuunngilaq.

Apeqqut 2: Naalakkersuisut isumaqarpat Nivaaq itisilerneqartariaqartoq?

Akissut: Nivaaq ullumikkut angallavigneqarsinnaavoq, tininnganerani umiatsiaaqqat Nivaaqkoorsinnaajunnaarsimallutik piffissap ingerlanerani sioqqat patsisaallutik Nivaaq ikkaligaluttuinnarsimalluni. Taamaattumik suliatigut naliliineq naapertorlugu ikerasaliap itisilerneqarnissaa ikerasaliaq pillugu nalunaarussiaq innersuussutigineqanngilaq, illuatungaanili sioqqat patsisaallutik ikerasaliap ikkalisarnera iliuuseqarfigineqarnissaa isummerfigineqassasoq innersuussutigineqarluni.

Tamanna manna tikillugu ersarinnerusumik misissuiffineqarnikuunngilaq, sioqqallu patsisaallutik ikerasaliap ikkalisarnerata iliuuseqarfigineqarnissaani aningaasartuutissat matussuserneqarnissaat Namminersorlutik Oqartussat kommunilluunniit akisussaaffigissaneraat pillugu kommunit peqatigalugit eqqartorneqassalluni. Naalakkersuisut paasissutissiissutigisinnaavaat, aningaasanut inatsimmi atuuttumi tamatumunnga aningaasanik immikkoortitsisoqarnikuunngimmat. Naalakkersuinikkut

Ataqatigiissaarisooqatigiit 2022-mi januaarimi ataatsimiinnissaanni kommunit peqatigalugit tamanna eqqartorneqassasoq naatsorsuutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Naaja H. Nathanielsen
Naaja H. Nathanielsen